

編號 1 號

【蛻變】徐佳好原作

記得俵仔讀小學個時節，放學轉到屋下興蹓蹓仔¹，摺佢分享，上自然課，先生紹介蝶仔，佢試著當生趣，問佢：「阿姆，做得畜弄毛蟲無？」佢斯聽過有人畜細魚仔、蠶仔、雞油姑，敢有人畜弄毛蟲？

該時，佢在學校做志工，摺圖書室個細阿姊仔打嘴鼓，佢講：「斯愛種一頭柚仔樹抑係柑仔樹，就會有蝶仔飛來生卵。你再過準備一隻罐仔，裡肚放一支細樹極，怎樣就做得咧。」佢一聽著，心肝肚當疑狐：自家又無戴在莊下，種一頭柚仔樹就會錫蝶仔來，哪有可能？毋過，「狗呷烏蠅，賭造化」²罔試看仔。

講來盡奇怪！有一日，正經有一隻蝶仔，在佢兜種個柚仔樹脣飛來飛去、飛上飛下。佢心肝肚怙：「佢在該做麼个呢？」佢目金金緊看，佢一頭緊攞翼，一頭對尿肫尾局出細細粒、黃淦淦个卵在葉仔面頂。佢細心細意，摘下這皮葉仔帶轉屋下放落罐仔裡背。

幾日過後，幼蟲對卵肚鑽出來，一出世，黏時摺卵殼食忒。

弄毛蟲當揀食³，斯食合意个葉仔，像一個肚屎當枵个細孬仔，葉仔分佢食到淨——淨——淨——，斯伸著葉脈，俵仔都赴毋掣摘葉仔分佢食！佢兜緊食膳身緊大箍，白烏色个衫褲忒狹咧，斯脫下舊衫換過青衫。

成時，蠻皮个俵仔係「頭那插禾串」揀佢，佢會黏時臥起圓圓大大个頭那，摺伸出紅紅个角，放出像榴槤樣臭胖胖个味道，想愛嚇走欺負佢个人；毋過，若係正經堵著烏仔、虎頭蜂，佢兜斯插都毋插。有一擺，佢識看著自家畜个弄毛蟲，毋知分對哪來个蜂仔食忒，衰過个弄毛蟲，瀉都毋掣！一無注意，嘎發生恁悽慘个事情，實在得人驚！

弄毛蟲逐日都盡命枯食葉仔，食到膳身肥固固⁴毋知飽。有一暗晡，看佢辽辽轉⁵，葉仔毋食，斯在罐仔肚裡來去，毋知在該無間麼个。佢局一埕青青个落把，俵仔問：「佢係發病仔抑係局痢肚？」突然間，佢赴在該樹極頂，呸絲摺自家吊等又過詢等，罔在蠶包裡肚，像人⁶睡忒咧！

經過一禮拜零，蠶包變色，像變奇術樣，蝶仔對蠶包裡肚鑽出來咧！毋過，溼溼、皺皺个翼還吉燥，佢定仔、柔柔仔，當有耐心个等待，正經係老古人言講：「甘蔗食了一目正一目」，毋好「打卵就愛見黃」。看著這靚膩膩个花仙子，當像係摺佢兜講等人生盡多个道理。

³ 揀食：音 gan' shid'；挑剔食物。

⁴ 肥固固：音 pui' gu' gu'；胖胖的。

⁵ 辽辽轉：音 din' din' zhon'；轉個不停，此處形容躁動不安。

⁶ 像人：音 ciong' ngin'；好像。

¹ 興蹓蹓仔：音 him' dia' dia' er；興沖沖的。

² 狗呷烏蠅，賭造化：音 gieu' gab' vu' rhin, du' co+ fa'；狗突然張口去咬飛過的蒼蠅，能否咬到就看運氣。

編號 3 號

【大箍牯減肥記】曾菁怡原作

「哇！歸桌恁多好料！汽水、餅、披薩、雞卵糕、枝水，還有佢最好食个焗菜、雞腩。」佢看到無瞞目，口水強強會跌下來，該兜好好料像人摺佢撰手講：「遽遽來食，遽遽來食啲！」佢煞煞抓一支香噴噴个雞腩，該油光油光个皮焙到赤赤，肉汁汀汀汀汀，實在還錫人哪！就在佢嘴擘到大大，準備咬下去該下，噯聽著：「大箍牯，還毋疏床？讀書會赴毋著咧！」全部个好料一下噯毋見忒，原來，係發夢啊！有一息仔毋願，該雞腩無咬著，實在還打爽哦！

聽佢姆講，佢從細就己好嘴斗，生到肥卒卒仔，幼皮白肉，當得人惜。公太就最愛捏佢个面頰卵，講佢像正打好个菜粑樣，分人想愛咬一口。本旦佢無感覺肥固固个身材有麼个毋好，毋過該擺見笑个經驗分佢決心愛減肥咧。

該日學校辦校慶活動，佢个班級表演「三隻豬子」个話劇，佢係擔任豬大哥个角色。在節目進行到豬大哥摺豬二哥為著閃避大野狼，愛走去豬老弟个屋肚園該下，為著有緊張个氣氛，佢盡命牯颯過去愛鑽落豬老弟个屋肚。麼人知，一下忒大力，豬老弟

个屋噯分佢撞橫忒去，佢還仆在屋面頂，屎肚翹到半天高，纏綿纏个褲弓到暴線縫，該時，鬧熱煎煎个禮堂忽然間變到肅恬¹，佢還聽得著自家砰砰滾个心跳聲，額頭流下來个每一滴汗水，就分佢感覺得著實在還見笑哪！愛仰結煞正好？背尾，有聲音摺佢解圍咧，佢遽遽企起來行到舞臺脣頭換褲，該聲音，毋係佢期待个拍手聲，係大家笑到歸身緊顫、目汁雙流个笑聲。

校慶結束該日，桌頂个乳茶、雞排全部分佢擲到垃圾桶，佢第一擺有恁堅定个決心，絕對愛減肥成功。佢去網路尋減肥个方法，大體係減量、減油、減糖，還愛配合適當个運動，所以該兜油膩膩个焗菜、甜漬漬²个汽水、糖仔全部分佢拒絕，逐餐飯菜都食較清較齋兜，食到七分飽就好。佢還逐日運動三十分鐘，行路、打球仔、跳索仔……，逐日做無共樣个變化。

一隻月過後，佢姆渡等佢去買新衫，逐領个尺寸都減忒兩號，阿姆講：「從今以後做毋得再過喊你『大箍牯』咧。」「係啊！你愛喊佢『緣投哥』哩啲。」

大箍牯減肥，成功！

¹ 肅恬：音 sog diam；形容安靜無聲的樣子。

² 甜漬漬：音 tiam zid` zid；味道很甜。

編號 6 號

【好空】徐子涵原作

人講，笑頭笑面個人較有人緣；佢講，會講客个細人仔較得人惜。係兩種加起來，就會變出當多好空个事情來哦！

社區肚个老老嫩嫩，佢比佢姆還較熟事；社區肚个事情，也比佢還較瞭解。成時攞兜菜、帶兜糖仔轉屋，騙阿姆講係佢買个，佢都會相信。因為連佢都想毋著，無緣無故有麼儕會分佢。無論係食个、著个、用个，抑係搞个，所有好空个，通棚都係佢好嘴碼膠膠禮貌換來个。

對門九十六歲个阿太講，這下个細人仔，毋知係畏羞抑係揭屎，盡少像佢恁有笑容、恁會膠人相借問个，所以特別惜佢，盡安謐佢。佢長下會攞手喊佢過去，拿兜零嗒分佢食，佢講就佢正有恁好空。膠佢講話，全全愛用客話講，佢正聽得識，佢想怕係因為恁樣，正無細人仔愛膠佢講話。三條巷仔个細人仔，斯單淨佢一儕做得膠佢譁咿半點鐘久，無講花舌哦！

莫看佢年紀還細，係自行車落鏈，抑係輪仔膠球仔無風，佢自家就有辦法，毋使花錢去尋人搵手整、搵手嘮風。係愛打羽毛球，也有大人伴陪佢搞，恁樣講，你就知佢个朋友有幾多、年齡

層有幾闊咧！

細人仔自然就會搞共下，毋使加講，愛講个係，該兜鄰舍做麼个會恁惜佢呢？該係因為佢當笑面，會膠人打嘴鼓，還會膠人搵手。比論講搵手倒垃圾、拚資源回收个東西、講兜笑科分人笑、講兜令仔分佢兜搵、講兜生趣个事情分佢兜聽，就連老伯姆來賣菜，佢也會搵手喊：「買菜哦！愛買菜無？」微微末末，講都講毋得煞，佢个大人朋友就係恁樣從細交陪來个，連佢姆都當佩服。

對巷仔口左幹上去个有錢人家膠公園起到當闊，新聞報導了後，斯當多遊客來遠奈，漸漸仔乜有人來擺攤仔做生理。佢輒輒會行兼去，人客來就搵手，無人客就打嘴鼓，毋多知仔又熟事咧！已多遊客聽著佢講客，會因為試著當親切，就加買兜仔，你講，有生意無？

佢從來就無想著面帶笑容膠講客會有麼个好空，毋過確實帶分佢盡多好空！總講，就係一種當湛斗个感覺。